

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava Ministarstva zdravstva na poziciji „Kapitalni transferi drugim nivoima vlasti - za zdravstvo“ - Izvor 10 Budžeta Zeničko-dobojskog kantona za 2025. godinu, broj 02-11-14735/25 od 01.08.2025. godine, na prijedlog Ministarstva zdravstva, Vlada Zeničko-dobojskog kantona, na 94. sjednici, održanoj dana 14.08.2025. godine,
d o n o s i

O D L U K U

o odobravanju sredstava JU „Dom zdravlja sa stacionarom“ Kakanj za finansiranje nabavke medicinske opreme i sanitetskog vozila

Član 1.

(Predmet)

(1) Odobravaju se sredstva JU „Dom zdravlja sa stacionarom“ Kakanj u iznosu od 105.000,00 KM (slovima: stotinu pet hiljada konvertibilnih maraka) za finansiranje nabavke medicinske opreme – defibrilator i sanitetsko vozila za hitni prevoz pacijenta.

(2) Obavezuje se JU „Dom zdravlja sa stacionarom“ Kakanj da provede postupak javne nabavke u skladu sa Zakonom o javnim nabavkama i podzakonskim aktima koji su doneseni u skladu sa zakonom.

(3) Ukoliko nakon provedenog postupka javne nabavke ugovoreni iznos bude veći od iznosa iz člana 1. stav (1) Odluke, Ministarstvo zdravstva će finansirati iznos odobren Odlukom, a preostali iznos će finansirati JU „Dom zdravlja sa stacionarom“ Kakanj iz vlastitih sredstava. U slučaju da ugovoreni iznos bude manji od iznosa iz člana 1. stav (1) Odluke, Ministarstvo zdravstva će finansirati iznos prema zaključenom ugovoru o nabavci.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24 i 12/25) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva iz člana 1. ove odluke će se transferisati na žiro-račun JU „Dom zdravlja sa stacionarom“ Kakanj broj: 1340200000022037 otvoren kod ASA banke, po okončanju postupka javne nabavke, na osnovu zaključenih ugovora o nabavci.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU „Dom zdravlja sa stacionarom“ Kakanj, svako u okviru svoje nadležnosti.

Član 4.

(Izveštavanje)

(1) JU „Dom zdravlja sa stacionarom“ Kakanj je dužna izvijestiti Ministarstvo zdravstva o namjenskom utrošku sredstava, dostavljanjem faktura dobavljača i dokaza o uplati sredstava dobavljaču.

(2) JU „Dom zdravlja sa stacionarom“ Kakanj dužna je izvijestiti Ministarstvo zdravstva o svim bitnim činjenicama koje su vezane za provođenje postupka javne nabavke (uložene žalbe, poništavanje postupka i sl.).

(3) U slučaju neizvršavanja ugovorenih obaveza dobavljača u ugovorenim rokovima JU „Dom zdravlja sa stacionarom“ Kakanj dužna je odmah izvijestiti Ministarstvo zdravstva.

(4) U slučaju nepostupanja prema članu 4. stav (1), (2) i (3) ove odluke, JU „Dom zdravlja sa stacionarom“ Kakanj dužna je odobrena sredstva uplatiti u korist Budžeta Zeničko-dobojskog kantona.

Član 5.

(Stavljanje van snage)

Stavlja se van snage Odluka o odobravanju sredstava JU „Dom zdravlja sa stacionarom“ Kakanj za finansiranje nabavke medicinske opreme i višenamjenskog motornog vozila („Službene novine Zeničko-dobojskog kantona“, broj: 7/25).

Član 6.

(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-15389/25

Datum, 14.08.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x JU „Dom zdravlja sa stacionarom“ Kakanj, putem Ministarstva,

1x „Službene novine Zeničko-dobojskog kantona“,

1x a/a.